

太上玄門功課經

五華城護南福

地三三宮藏板

太上玄門功課經序

竊以金書玉笈爲入道之梯航誦誥持經
乃修真之徑路夫功課者課功也課自己
之功修自身之道十二時中拳拳不怠諄
上聖之真文悟自身之本性非科教不能

弘揚大道非課誦無以攝伏身心誦之誠
者則經通而法驗悟之得者則道契而仙
成是住叢林者之規範也故淨口淨心淨
身而有咒安天安地安神而有章皆從次
序更無躐等雖是隨堂之功課實爲祝國

祚之大猷念念無違則希仙希聖端在茲
乎是爲序也

太上玄門早堂功課經

琳琅振響

十方肅清

河海靜默

山嶽吞烟

萬靈鎮伏

招集羣仙

天無氛穢

地無妖塵

冥慧洞清

大量玄玄也

常清常靜天尊

真心清靜道爲宗

譬被中天寶月同

淨掃迷雲無點翳

一輪光滿太虛空
上藥身中神氣精
人人具足匪虧盈
能知混合回風道
金鼎黃芽日日生

一炷真香本自然
黃庭爐內起祥烟
空中結就浮雲篆
上祝皇王壽萬年

道場眾等

人各恭敬

恭對道前

課誦如法

淨心神咒

太上台星

應變無停

驅邪縛魅

保命護身

智慧明淨

心神安寧



三魂永久

魄無喪傾

急急如律令

淨口神咒

丹朱口神

吐穢除氛

舌神正倫

通命養神

羅千齒神

喉神虎賁

心神丹元

思神鍊液

急急如律令

却邪衛真

氣神引津

令我通真

道炁常存



淨身神咒

靈寶天尊

弟子魂魄

青龍白虎

朱雀玄武

安慰身形

五臟玄冥

隊仗紛紜

侍衛身形

急急如律令

安土地神咒

元始安鎮

普告萬靈

嶽瀆真官

土地祇靈

左社右稷

不得妄驚

回向正道
各安方位
太上有命
護法神王
皈依大道

內外澄清
備守壇庭
搜捕邪精
保衛誦經
元亨利貞

急急如律令

淨天地解穢咒

天地自然

穢氣分散

洞中玄虛

晃朗大元

八方威神

使我自然



靈寶符命

乾羅怛那

斬妖縛邪

中山神咒

持誦一遍

普告九天

洞罡太玄

殺鬼萬千

元始玉文

却鬼延年

按行五嶽

八海知聞

魔王束手

侍衛我軒

凶穢消散

道氣常存

急急如律令

祝香神咒

道由心學

心假香傳

香爇玉爐

心存帝前

真靈下盼

仙旆臨軒


令臣關告

逕達九天

金光神咒

天地玄宗
廣修萬劫
三界內外
體有金光
視之不見

萬炁本根
證吾神通
惟道獨尊
覆映吾身
聽之不聞



包羅天地

養育羣生

受持萬遍

身有光明

三界侍衛

五帝司迎

萬神朝禮

役使雷霆

鬼妖喪膽

精怪亡形

內有霹靂

雷神隱名

洞慧交徹

五炁騰騰

金光速現

覆護真人

急急如律令

開經之蘊咒

雲篆太虛
乍遇乍邇
五方徘徊
天真皇人
以演洞章

浩劫之初
或沉或浮
一丈之餘
按筆乃書
次書靈符

元始下降

真文誕敷

昭昭其有

冥冥其無

沉疴能自痊

塵勞溺可扶

幽冥將有賴

由是昇仙都

太上老君說常清靜經

老君曰大道無形生育天地大道無情運
行日月大道無名長養萬物吾不知其名
強名曰道夫道者有清有濁有動有靜天
清地濁天動地靜男清女濁男動女靜降
本流末而生萬物清者濁之源動者靜之

其人能常清靜天地悉歸夫人神好清
而心擾之人心好靜而慾牽之常能遣其
慾而心自靜澄其心而神自清自然六慾
不生三毒消滅所以不能者爲心未澄慾
未遣也能遣之者內觀其心心無其心外

觀其形形無其形遠觀其物物無其物三
者既悟唯見於空觀空亦空空無所空所
空既無無無亦無無無既無湛然常寂寂
無所寂慾豈能生慾既不生卽是真靜真
常應物真常得性常應常靜常清靜矣如

此清靜漸入真道既入真道名爲得道雖
名得道實無所得爲化眾生名爲得道能
悟之者可傳聖道

老君曰上士無爭下士好爭上德不德下
德執德執著之者不明道德眾生所以不

得真道者爲有妄心既有妄心卽驚其神
既驚其神卽着萬物既着萬物卽生貪求
既生貪求卽是煩惱煩惱妄想憂苦身心
便遭濁辱流浪生死常沉苦海永失真道
真常之道悟者自得得悟道者常清靜矣

仙人葛公曰吾得真道曾誦此經萬遍此
經是天人所習不傳下土吾昔授之於

東華帝君東華帝君授之於

金闕帝君金闕帝君授之於

西王母西王母皆口口相傳不記文字吾

今於世書而錄之上士悟之昇爲天官中
士修之南宮列仙下士得之在世長年遊
行三界昇入金門

左玄真人曰學道之士持誦此經者卽得
十天善神擁護其身然後玉符保神金液

鍊形形神俱妙與道合真

正一真人曰人家有此經悟解之者災障
不干眾聖護門神昇上界朝拜高真功滿
德就相感

帝君誦持不退身騰紫雲

太上老君說常清靜經

太上洞玄靈寶昇玄消災護命妙經

稽首皈依眾妙道

志心恭敬二玄真

謹運一心心所議

粗識此經經所因
空色色空無有性
有無無有色空均
慧風出自天尊力
掃除心界不遺塵

惟願神光常擁護
證明今日守心人
今日守心何所證
不失人身得道身
爾時

元始天尊在七寶林中五明宮內與無極
聖眾俱放無極光明照無極世界觀無極
眾生受無極苦惱宛轉世間輪迴生死漂
浪愛河流吹慾海沉滯聲色迷惑有無無
空有空無色有色無無有無有無有終

始暗昧不能自明畢竟迷惑

天尊告曰汝等眾生從不有中有不無中
無不色中色不空中空非有爲有非無爲
無非色爲色非空爲空空卽是空空無定
空色卽是色色無定色卽色是空卽空是

色若能知空不空知色不色名爲照了始
達妙音識無空法洞觀無礙八眾妙門自
然解悟離諸疑網不着空見清靜六根斷
諸邪障我卽爲汝說是妙經名曰護命濟
度眾生傳教世間流通讀誦卽有

飛天神王

破邪金剛

護法靈童

救苦真人

金精猛獸各百億萬眾俱侍衛是經隨所

擁護捍厄扶衰度一切眾生離諸染着

爾時

天尊卽說偈曰

視不見我

聽不得聞

離種種邊

名爲妙道

太上洞玄靈寶昇玄消災護命妙經

無上玉皇心印妙經

上藥三品

神與氣精

恍恍惚惚

杳杳冥冥

存無守有

頃刻而成

迴風混合

百日功靈

默朝上帝

一紀飛昇

知者易悟

昧者難行

履踐天光

呼吸育清

出玄入牝

若亡若存

綿綿不絕

人各有精

神合其氣

不得其真

神能入石

固蒂深根

精合其神

氣合體真

皆是強名

神能飛形

入水不溺

入火不焚

神依形生

精依氣盈

不凋不殘

松柏青青

三品一理

妙不可聽

其聚則有

其散則零

七竅相通

竅竅光明

聖日聖月

照耀金庭

一得永得

自然身輕

太和充溢

骨散寒瓊

得丹則靈

不得則傾

丹在身中

非白非青

誦持萬遍

妙理自明

無上玉皇心印妙經

玉清號

志心皈命禮

三界之上。梵炁彌羅。上極無上天中之天。

鬱羅闍臺。玉山上京。渺渺金闕。森羅淨泓。
玄元一炁。混沌之先。寶珠之中。玄之又玄。
開明三景。化生諸天。億萬天真。無缺數眾。
旋斗歷璣。回度五常。巍巍大梵。萬道之中。
大羅玉清。虛無自然。至真妙道。元始天尊。

上清號

志心皈命禮

居上清境。號靈寶君。祖劫化生。九萬九千
餘梵氣。赤書煥發。六百六十八真文。因混
沌赤文。而開九霄。紀元洞玉曆。而分五劫。
天經地緯。巍乎造化之宗。樞陰機陽。卓爾

雷霆之祖。大悲大願。大聖大慈。玉宸道君。
靈寶天尊。

太清號

志心皈命禮

隨方設教。歷劫度人。爲皇者師。師帝者師。王者師。假名易號。立天之道。地之道。人之道。

隱聖顯凡。總千二百之官君。包萬億重之
梵炁。化行今古。著道德凡五千言。主握陰
陽。命雷霆用九五數。大悲大願。大聖大慈。
太上老君。道德天尊。

彌羅號

志心皈命禮

太上彌羅無上天。妙有玄真境。渺渺紫金
闕。太微玉清宮。無極無上聖。廓落發光明。
寂寂浩無宗。玄範總十方。湛寂真常道。恢
漠大神通。玉皇大天尊。玄穹高上帝。
天皇號。志心皈命禮。

紫微宸極。勾陳天宮。九光寶苑之中。五炁
玄都之上。體元皇而佐司玄化。統兩極而
共理三才。主持兵革之權衡。廣推大德。統
御星辰之躔次。毋失常經。上象巍巍。真元
恢漠。大悲大願。大聖大慈。勾陳上宮。天皇

大帝。

星主號

志心皈命禮

大羅天闕紫微星宮尊居北極之高位正
中天之上佛號金輪熾盛道稱玉斗玄尊
璇璣玉衡齊七政總天經地緯日月星宿

約四時。行黃道。紫垣萬象宗師。諸天統御。
大悲大願。大聖大慈。萬星教主。無極元皇。
中天紫微北極大帝。

后土號

志心皈命禮

九華玉闕。七寶黃房。承天秉命之期主。陰

執陽之柄。道推尊而含弘。廣大德敷著於
柔順利貞。效法昊天。根本育坤元之美。流
行品物。生成施母道之仁。嶽瀆是依。山川
咸仗。大悲大願。大聖大慈。承天效法。后土
皇地祇。

神霄號

志心皈命禮

高上神霄府。凝神煥照宮。會元始祖。悉以
分真應妙道。虛無而開化。位乎九霄之上。
統理諸天。總乎十極之中。宰制萬化。宣金
符而垂光濟。苦施惠澤而覆育兆民。恩溥

乾元仁敷浩劫。大悲大願大聖大慈玉清。
真王南極長生大帝。統天元聖天尊。

三元號

志心皈命禮

唯三聖人。乃一太極。普受浩劫家之命。鼎
膺無量品之褒。紫微清虛洞陰總領功過。

賜福赦罪解厄普濟存亡道冠諸天恩覃
三界大悲大願大聖大慈三元三品三官
大帝三宮九府三百六十應感天尊

火官號

志心皈命禮

乾元四品考校火官運符乾健德合離明

居太陽丹天之中。統左府法生之籍。盛德
在火。炎帝持衡。功參佐於三元。氣運行於
四月。駕赤龍而行南陸。照明熒燄之宮。燭
朱陵而顯丹臺。煥赫文昌之府。輝輝朗耀。
炳炳照臨。大悲大願。大聖大慈。赤皇上品。

三炁火官炎帝真君洞陽大帝南丹紀壽
天尊。

文昌號

志心皈命禮

不驕帝境玉真慶宮現九十八化之行藏。
顯億千萬種之神異飛鸞開化於在在如。

意救劫以生生至孝至仁功存乎儒道釋
教不驕不樂職盡乎天地水官功德難量
威靈莫測大悲大願大聖大慈九天輔元
開化主宰司祿職貢舉真君七曲靈應保
德宏仁大帝談經演教消劫行化更生永

命天尊。

真武號

志心皈命禮

混元六天傳法教主修真悟道濟度羣迷。
普惠眾生消除災障八十二化三教祖師。
大慈大悲救苦救難三元都總管九天遊。

奕使左天罡北極右垣大將軍鎮天助順
真武靈應福德衍慶仁慈正烈協運真君
治世福神玉虛師相玄天上帝金闕化身
蕩魔天尊
雷祖號
志心皈命禮

九天應元府。無上玉清王。化形而滿十方。
談道而趺九鳳。三十六天之上。閱寶笈考
瓊書。千五百劫之先位。上真權大化。手舉
金光如意宣。說玉樞寶經。不順化作微塵。
發號疾如風火。以清靜心而弘大願。以智

慧力而伏諸魔。總司五雷。運心三界。羣生
父。萬靈師。大聖大慈。至皇至道。九天應元。
雷聲普化天尊。

神霄無上玉清王

威德均施遍十方

萬物逢春沾化育
五雷秉令役陰陽
恒對諸天宣妙法
曾法洪願啓虛皇
聞稱聖號臨三界

眾等稽首禮慈光

人心多散亂

一念便成真

欲求無上道

大眾轉天尊

雷聲普化天尊
三元赦罪天尊
降魔護道天尊

仰啓

三清上聖。

玉帝至尊。

道光會中一切真仙弟子眾等伏聞障未
斷則蔽塞昏迷礙一除則通達明了陰霾
去而日復晴朗浮雲散而天自光輝倘未
掃除甯免固蔽心未同於天日障當去於

雲霧仰

元聖之垂慈宣斷障之妙法俾諸塵之無
起庶真境之自明奈何凡夫之愚迷不能
按法以修習未免緣情而逐境安能澄慮
以凝神庸夫外邪亂其至道敗靈根而盜

至寶入俗網以隨凡流萬魔來攻一與遂
失倘匪沐陶鎔之德豈能成斷障之功按
妙典以懺除求諸障之掃蕩爰申懇告悉
丐矜憐伏願錫智智慧劍以斷除庶煩惱障
之消滅掃開淨翳使慧日之光華拂拭塵

勞俾心珠之瑩徹凡身清靜道果圓成普
同幽顯之兩途俱識圓明之一性

永無輪轉常獲逍遙願我在道弟子及大
地羣生罪福之緣可得明了障礙之因悉
皆斷除保命度災延祥集福在心之願得

滿。修。真。之。道。可。成。豈。非。因。緣。實。爲。慶。幸。尙。
賴。始。終。之。相。佑。必。令。懇。禱。之。昭。通。無。願。不。
從。有。求。皆。應。保。天。長。存。而。昌。運。再。啟。致。國。
太。平。而。克。寇。自。息。九。幽。破。壤。長。夜。光。明。五。
福。歛。錫。兆。民。歌。唱。祖。先。昇。度。眷。屬。壽。康。等。

與羣生同登道岸。

志心皈命禮。

金闕玄穹主。高上玉皇尊。諸佛聖師萬天
帝。主演三卷五品之妙法。周十號萬德之
洪名。放十七大光明。示三十種功德。拔度

生死運化古今一萬二千三十六字洞玄
靈寶高上玉皇本行集經玉皇大天尊玄
穹高上帝

一願風調雨順

二願五穀風登


三願皇王萬歲

四願國土清平

五願人民樂業

六願福壽康寧

七願災消禍散



八願水火不侵
九願聰明智慧
十願學道成真
十一願福留善信
十二願大道興行

一切神光普照

一切眾聖垂恩

一切有情賴善

一切證聖成真

普天安慶

六合同春

消愆赦罪

降福延生

誦經功德不可思議諸天諸地轉靈機皇
王壽夭齊大道慈悲萬化樂雍熙

祝聖文

祝壽壺中不老天

蟠桃時熟慶長年
八千歲劫朱顏在
永作蓬萊洞裏仙
伏以
闔闔開黃道觀

天顏咫尺之威衣冠拜紫宸祝聖王萬年
之壽恭炷真香虔誠上啟

虛無自然大羅三清三境三寶天尊

昊天至尊金闕四御四皇上帝

高上神霄九宸上帝

十方太上靈寶天尊

大梵先天斗姥圓明道姆天尊

南宸北斗河漢羣真

太上三元三品三官大帝

五老上帝四聖真君

祖師萬法教主仁威玄天上帝金闕化身
蕩魔天尊

三界諸天上帝十極瓊闕高真
玄門啓教南宗北派五祖七真
天下名山洞天福地古今得道仙真

玄門護法先天主將赤心忠良王大天君
護經護壇護戒護法琳庭兵馬助道神員
是日雲虛過往糾察真宰

悉仗真香普同供儀

以今奏爲

大清國廣東省廣州府南海縣粵秀山三
元宮焚修弟子 恭逢 年 月 日

良辰暨領合宮道眾人等登臨寶殿誦演

仙經

上祝

當今皇帝陛下山呼眾稱萬歲山呼眾稱

萬歲

齊祝山呼眾稱萬萬歲

三稱萬歲齊瞻

北極之尊一炷真香永祝南山之壽伏願

龍樓聳固鳳閣常清八方稱有道之君四
海樂無虞之化民無疵癘歲有豐登次祈
十方善信福壽增延各家道泰逐戶清平
再祈本宮香火綿遠教法興隆弟子眾等
修真有分進道無魔三業六根之過咎並

乞赦原九玄七祖之先靈祈超仙界濟度
長夜之魂消滅眾生之苦仰憑道力爲上
良因志心稱念

玄都萬壽天尊不可思議功德

經功德不可量上祝筵萬歲君王皇圖悠

久與天長法輪轉永護家邦文武官僚增
祿位三農美四民安康河圖現瑞鳳呈祥
祝當今萬壽無疆

仰啓

神威豁落將都天糾察大靈官火車三五

大雷公受命三天降鬼崇。手執金鞭巡世
界。身披金甲顯威靈。綠靴風帶護身形。雙
目火睛耀天地。頃刻三天朝上帝。須臾九
地救生靈。銀牙鳳嘴將三千虎首。貔貅兵
百萬走火行風。前後衛穿山破石捉邪精。

祈晴禱雨濟世間。附體圓光通事意。治病
回春如反掌。收瘟攝毒伏羣魔。飛騰雲霧
遍虛空。號令雷霆轟霹靂。三界大魔皆拱
手。十方外道悉皈依。弟子啓請望來臨。大
賜雷威加擁護。

太乙雷聲應化天尊

此間土地

神之最靈

昇天達地

出幽入冥

爲吾關奏

不得留停

有功之日

名書上清

向來課誦功德上奉高真下保平安賜福
消災同賴善功證無上道一切信禮志心
稱念

常清常靜天尊不可思議功德

第一皈依無上道寶當願眾生常侍天尊

永脫輪迴

第二皈依無上經寶當願眾生生生世世

得聞正法

第三皈依無上師寶當願眾生學最上乘
不落邪見

太上玄門早堂功課經卷終

